



Vutshila wa gingirika!



Rose S. Mbokodo



Manana u yi le eka mutshunguri. Kokwana u hlayisa Vutshila ekaya.

Vutshila u lava ku ya eka kokwana exirhapani. Wa kasa.

“Yima, Vutshila! U ta wa eswitepisini! Ndzi le kuteni,” ku huwelela kokwana.



Vutshila wa gingirika nakambe. U vona mati lawa ya nga vekiwa. U lava ku nghena endzeni a hlamba.

“U nga ngheni endzeni, Vutshila! Swi na khombo,” ku lemukisa kokwana.





Vutshila wa gingirika nakambe. U vona bulichi na xisibi. U lava ku swi dya.

“Yima, Vutshila! Swi na khombo sweswo!” ku lemukisa kokwana.



Kokwana wa ayina.

Vutshila wa gingirika nakambe.

U tshambuluta voko ra yena. U lava ayini!

“Tshika sweswo, Vutshila! U ta vaviseka,”
Kokwana a lemukisa Vutshila.





Vutshila wa gingirika nakambe. U ya eka pulaga ya gezi. U lava ku hoxa rintiho ra yena ndzeni!

Kokwana u n'wi langutile.

“Yima, Vutshila! Swi na khombo,” a n'wi lemukisa.



Kokwana u virisa mati yo endla tiya.

Vutshila a nga tshamiseki. Wa gingirika nakambe! U lava ku pfuna kokwana.

“Tshika sweswo, Vutshila! U nga tshuneleli ketlele! U ta vaviseka,” ku lemukisa kokwana.





Kokwana u veka hinkwaswo leswi nga na khombo ekule.

U tshamisa Vutshila eka xotshama vana.
A tlanga kona.

Sweswi Vutshila u hlayisekile.

Ku hlayisa Vutshila a swi olovangi. Xana ricece u nga ri tshinyisa ku yini!